

**AWIG - AWIG
DESA ADAT WARINGIN**



**DESA PEMPATAN
KECAMATAN RENDANG
KABUPATEN KARANGASEM
BALI
2001**

PIDAGING
MAKA BANTANG AWIG-AWIG DESA ADAT

MURDHA CITTA

PRATHAMA SARGAH	ARAN LAN WEWIDANGAN DESA	
DWITIYAS SARGAH	PATITIS LAN PAMIKUKUH	
TRITIYAS SARGAH	SUKERTA TATA PAKRAMAN	
	Palet 1 Indik Krama.....	5
	Palet 2 Indik Prajuru/Dulu Desa.....	9
	Palet 3 Indik Kulkul.....	11
	Palet 4 Indik Paruman.....	12
	Palet 5 Indik Druwen Desa.....	14
	Palet 6 Indik Sukerta Pamitegep.....	17
	Kaping 1 Karang Lan Tegal.....	17
	Kaping 2 Papayonan.....	18
	Kaping 3 Wewangunan.....	19
	Kaping 4 Wewalungan.....	19
	Kaping 5 Bhaya.....	20
	Kaping 6 Penyanggran Banjar....	22

CATURTHAS SARGAH	SUKERTA TATA AGAMA	
	Palet 1 Indik Dewa Yadnya.....	22
	Palet 2 Indik Rsi Yadnya.....	26
	Palet 3 Indik Pitra Yadnya.....	27
	Palet 4 Indik Manusa Yadnya.....	30
	Palet 5 Indik Bhuta Yadnya.....	31



PANCAMAS SARGAH	SUKERTA TATA PAWONGAN	
	Palet 1 Indik Pawongan.....	33
	Palet 2 Indik Nyajian.....	36
	Palet 3 Indik Sentana.....	37
	Palet 4 Indik Warisan.....	39

SASTHAS SARGAH	WICARA LAN PAMIDANDA	
	Palet 1 Indik Wicara.....	41
	Palet 2 Indik Pamidanda.....	42

SAPTAMAS SARGAH	NGUWAH NGUWPHIN AWIG-AWIG	
ASTAMAS SARGAH	SAMAPTA	



MURDHA CITTA

Om Awighnamastu nama siddham,

Malarapan saking panghyangning, Ida Sanghyang Widhi Wasa asung kerta nugraha ngawentenang kahuripansekala niskala, ring Bhuwana Agung lan Bhuwana Alit. Manut dresta Desane wantah pawakan pasayuban Krama Desa rawuhing kula warga pawongannya. Desane keanggehang Bhuwana Agung, pawongannya suang-suang pinaka Bhuwana Alit.

Sotaning Bhuwana Agung, Desane wantah pawakan Bhuwana Mahurip jangkep saha Tri Hita Karananya luwire :

Ha. Parhyangan, sahananing kahyangan, penyiwian Desa genah ngarcana Ida Hyang Parama Wisesa maka jiwane desane.

Na. Pawongan, krama saha warga desa maka sami mapawakan Bayu Pramana, mawinan desane sida molah maprawerti;

Ca. Palemahan, tanah kakuwuban desa sinanggeh stulaning desane.

Adung patemon Bhuwana kalih, larapan santa Jagadhita, sinanggeh murdhaning prayojana pangeriptaning awig-awig Desa Pakraman ring paseban mami krama desa adat.

Pinaka sepat sikut pematut ; wastu prasida, prayojanan mami kabeh prasama angidep muwah amagehaken kadi linging awig-awig iki.

PRATHAMAS SARGAH
ARAN LAN WEWIDANGAN DESA

Pawos 1

- (1). Desa adat puniki mawasta Desa adat Waringin.
- (2). Jebar kakuwub wewidangannya mawates nyatur :
 - Ha. Sisih wetan Kabupaten Bangli
 - Na. Sisih kulon Desa adat Pemuteran
 - Ca. Sisih lor desa adat Teges
 - Ra. Sisih kidul Desa adat Alasngandang
- (3). Desa puniki kawangun antuk karang desa utawi gebogan krama, turmaning kepah dados 4 Banjar, luwire :
 - Ha. Banjar/Tempek Dajan Puseh
 - Na. Banjar/Tempek Delod Puseh
 - Ca. Banjar/Tempek Tengah
 - Ra. Banjar/Tempek Poh Tegeh

DWITISYAS SARGAH
PATITIS LAN PAMIKUKUH

Pawos 2

- Desa adat Waringin ngamanggehang pamikukuh minakadi :
- Ha. Pancasila
 - Na. Undang-Undang Dasar 1945
 - Ca. Tri Hita Karana manut sada cara agama Hindu

Pawos 3

- Luwir patitis Desa Adat Waringin ;
Ha. Ngukuhang miwah ngerajegang Agama Hindu.
Na. Nginggilang tata prawertine magama.
Ca. Ngerajegang kesukertan desa saha Pawongannya sekala lan niskala.

TRITIYAS SARGAH SUKERTA TATA PAKRAMAN

Palet 1

Indik Krama

Pawos 4

- (1) Sane kebawos Krama desa inggih punika kulawarga sane meagama Hindu saha ngemong karang Desa utawi jumenek ring sawidangan desa ;
- (2) Sejaba punika sinanggeh tamiyu, sane kabinayang dados kalih inggih punika sane meagama Hindu, miwah sewosan ring meagama Hindu.

Pawos 5

Krama Desa Adat wenten 3 (tigang) soroh :

1. Krama ngarep, kulawarga sane wed utawi pengrawuh saking warga desa siosan saha ajeg pawiwahanwe luwire:
Ha. Krama pokok, sane polih eduman tanah ayds akeh nyane 25 kuren.
Na. Krama pengabih, sane nenten polih peduman tanah ayds
2. Krama tan ngarep, luwire :
Ha. Salah sinunggil kulawarga sane tan ngarep ring Desa sakewanten ring banjar kantun ngarep;
Na. Krama penyada, inggih punika krama sane sampun lepas ayah kagentos antuk sentananya.

Awig-awig Desa Adat Waringin



- Ca. Krama penyada, inggih punika krama sane ngentos ayah krama nagep wiadi tan ngarep tur sane kadadosang sekaa truna truni ring Banjar.
3. Krama balu, kulawarga ngarep utawi tan ngarep salah sinunggil lanang utawi istrine lina, wiadi nyapian.
- Krama balu inucap kabinayang dados :
- Ha. Balu pekrambian, inggih punika balu sane maduwe sentana dereng merabian.
- Na. Balu ngelisting, inggih punika balu sane tanpa sentana.

Pawos 6

1. Ngawit dados Krama Desa :
- Ha. Sangkaning ngamong karang desawiadin jenek ring desa;
- Na. Mawiwit pawiwahan.
2. Panemaya tedun makrama desa manut dresta luwire :
- Ha. Yening jatma saking Waringin yan sampun mapikuren patut ngeranjing Krama tur keni penerag.
- Na. Yening jatma saking tios desa jagi ngeranjing patut keni penerag manut pararem.
- Ca. Yening sampun naenin dados krama raris wusan, tur malih mawali ngeranjing keni denda manut pararem.
- Ra. Nganutin saurah-arih kertyasa ring desa adat.

Pawos 7

Tategenan miwah swadharma Krama Desa Adat :

(1) Tategenan Krama, luwire :

Ha. Krama ngarep, keni urunanan miwah ayahan mamungkul.

Na. Krama balu, keni ayah manut kawonganya :

1. Balu ngelisting, lanang utawi istri keni ayahan lanang utawi istri kewanen.
2. Balu makranbian, lanang utawi istri sane madruwe sentana lanang utawi istri sampun mayusa 17 (pitulas) warsa keni ayahan mamungkul.
3. Dredoatuang ring desa adat, tan maren mautsaha mangda Desa Adat nyunyur manut patitis.
4. Ngemiletin pararem tur wenang mustikayang pamutus.
5. Kadadosang prajuru manut paetangan.
6. Tinut saturut awig-awig, paswara miwah ring pararem Desa adat.
7. Ngemargiang peayah-ayahan, pewangunan miwah pengaci ring pura.
8. Ngingkupin utawi negepin pekarsan sang mawangrat minakadi sajeroning :
 - Ha. Pangupatian/pajak
 - Na. Miwah sane siosan
9. Prade mamurug pawos inucap :
 - Ha. Yening Krama pengarep, jagi keambil paduman tanahnya :
Antuk tata cara pengambilan tanah ayahan desa :
 1. Manut pararem tanah punika patut kasawenin olih krama desa adat.
 2. Yening sampun 3 raina nenten katregteg kaiwangan ipun, tanah punika kacabut tur karanjingang duwen Desa.
 - Na. Yening Krama pengalih keni denda manut pararem.
 - Ca. Krama pangele, keni ayah-ayahan ngeromba krama ngarep.
- (2) Krama Desa Adat kedadosang.
 - Ha. Mapuankid utawi tan tedun luwire :
 1. Ritatkala sungkan.
 2. Matepetin anak sungkan raat.



3. Madruwe kalayu sekaran.

4. Sedek wenten ring dura desa.

5.

Na. Nyada, mapiteges lepas ngayah, risampun tan mresidayang makarya.

Ca. Mogpog ngetut wiadin nutug ayah saha papeson antuk brana, manut pararem, majeng ring Krama Desa sane magenah ring tiosan Desa Adat.

Ra. Panyeledihi nyada wiadin nyuksukin ayah risampune nayusa 17 (pitulas) warsa.

Pawos 8

Kapatutang krama tamiyu :

Ha. Krama tamiyu patut madana punia ring desa adat/banjar manut pararem.

Na. Krama tamiyu patut polih patias marupa pitulung ring sajering katiben pancabaya.

Pawos 9

(1) Wusan dados krama Desa, luire:

Ha. Sangkaning pinunas ngaraga, menawi kesah ke dura desa;

Na. Kenorayang, duaning sampun tan prasida ngesehin solah maprawerti setata mamurug kecaping awig – awig.

Ca. Wusan makrama desa mapiteges taler wusan makrama banjar utawi wusan makrama banjar mapiteges taler wusan makrama desa mangda sampunang empak ngelanting.

Ra. Yening tan madue sentana kawehin wusan makrama yan sampun mayusa 60 warsa.

(2) Sang wusan mekrama:

Ha. Tan polih pahpahan druwen desa utawi druwen banjar.

Na. Tan polih pasayuban sajeroning ala ayu.

Palet 2
Indik Prajuru / Dulu Desa

Pawos 10

- (1) Desa Adat Waringin kaeter antuk Bandesa Adat utawi Kelian Desa Adat
- (2) Banjar utawi tempekan kaeter antuk Klian Banjar utawi Klian Tempek
- (3) Bandesa lan Klian Banjar patut:
 - Ha. Mawiwit saking krame ngarep;
 - Na. Keadegang melarapan antuk pemilihan olih paruman soang – soang nyabran warsa utawi manut dresta sane kemanggehang sejawaning wenten parindikan tios tur dados kapalih malih;
 - Ca. Yening I krama sane kapilih dados prajuru mangda satinut yan nenten satinut kausanang mekrama
 - Ra. Maduluran piuning ring Pura Desa.

Pawos 11

- (1) Bandesa utawi Kelian Adat kesanggra antuk:
 - Ha. Patajuh utawi pangliman pinaka wakilnyane;
 - Na. Panyarikan pinaka Juru surat;
 - Ca. Patengen pinaka pangemong druwen Desa;
 - Ra. Kasinoman pinaka juru arah akenya manut kewigananya
- (2) Sajeroning ngenterang sukerta niskala Bandesa mingsinggihang pamangku Kahyangan Desa.
- (3) Prajuru ngadegang Panglinsir utawi Dulu utawi Pamucuk sinanggeh kerta desa, sane mawiwit prajuru lepas, sang wikan ring adat agama ; adiri sinaggeh panua kesarengin juru surat sakeng penyarikan desa.

Pawos 12

- (1) Swadharmaning Bandesa Adat luire :
 - Ha. Ngemargiang sedaging awig-awig mjiwah pararem desa;
 - Na. Nuntun tur ngeterang krama rauhing warga desa ngupadi anut patitis;
 - Ca. Mawosin kalih niwakang pamutus marep ring wicara warga desa;
 - Ra. 'Maka duta matemuang bawos ring sapa sira ugi
- (2) Prade Prajuru utawi dulu iwang pangelaksana keni pamidanda nikel ring kaiwangan soang-soang krama saha kaangkat karariyanang manut pararem.

Pawos 13

- Patias utawi olih-olihan Prajuru utawi Dulu Desa luwire :
- Ha. Luput rerampen (pepeson)
 - Na. Polih tanding tengah;
 - Ca. Upon Pecatu utawi pelaba carik tegal druwen Desa;
 - Ra. Patias siwosan manut pararem

Pawos 14

- (1) Prajuru utawi Dulu Desa kagentosin riantukan :
 - Ha. Lina;
 - Na. Wit saking pekayun utawi pinunas ngeraga;
 - Ca. Kawusang duaning iwang pamargi menawi nilar sesana
- (2) Nganorayang, ngewusang miwah ngentosin Prajuru utawi Dulu patut ring sajeroning paruman tur keingkupin antuk Krama Desa

Palet 3
Indik Kukul

Pawos 15

- (1) Kukul ring Desa luwire :
 - Ha. Kukul Desa;
 - Na. Kukul Banjar utawi Tempekan;
 - Ca. Kukul sekaa-sekaa
- (2) Tabuh tetepakan kukul Desa :
 - Ha. Atuludan lambat, tatengeran tedun ngayah
 - Na. Atuludan bulus, tetengeran kapancabhayan
 - Ca.
- (3) Tengeran Kukul ring soang-soang bebanjaraan ;
 - Ha. Kalihtulud bulus, tetengeran ngerorod (pengantenan)
 - Na. Kukul kelayu sekaran (lina)
 - Ca. Kukul sangkep
 - Ra. Kukul ngayah
- (4) Kukul Desa adat katepak manut wiguna, sekadi sane sampun karencanayang saha katuntun prajuru, miwah tengerania manut dresta.
- (5) Kukul desa adta tan wenang katepak sajawaning wenten ke pancabhaya utawi pitiduh prajuru.
- (6) Prade kukul desa adat katengerin patut digelis katedunin antuk krama manut cihna tetengeran wiadin dedauhan.
- (7) Suaran kukul punika manut pararem
- (8) Yening wenten krama nepak kukul tan manut wiguna kakenain denda manut pararem.



Pawos 16

- (1) Kukul desa utawi banjar tan wenang katepak yening tan sangkaning pituduh Prajuru Desa, utawi prajuru banjar sawawaning tetengeran kepuncablayan.
- (2) Sang nepak tan sangkaning pituduh patut digelis atur supeksa maka buatan penepake, yan tan sapunika, patut sang mamurug kedanda manut pararem.
- (3) Kukul sekaa-sekaa, semalih kukul pondokan tan kalugra nyarenin (matehin) sukat utawi tengeran kukul Desa/Banjar, prade mamurug taler kedanda manut pararem

Palet 4

Indik Paruman

Pawos 17

- (1) Pareman utawi sangkepan ring Desa Adat Waringin, wenten ;
Ha. Paruman Desa/Banjar kawentenang :
 1. Nyabran sasih, maka cihna tanpa arah-arah, duaning sampun tetep panemaya manut pararem bebanjaran soang-soang.
 2. Napkala maka jalaran arah-arah manut tatujon.
Na. Sangkepan Prajuru utawi dulun Desa, kawentenang manut wiguna;
Ca. Paruman sekaa-sekaa manut kabuatan
- (2) Paruman Desa utawi Banjar madudonan sekadi ring sor ;
Ha. Prasida lumaksana risampun katedunin antuk sang patut ngemiletin, kemanggala antuk tengeran kukul miwah mabusana adat, manut dresta saha tan kalugra makta gegawan saha; tan maren ngarcana ring Ida Bhagawan panyarikan saha widi widana miwah cane.
Na. Tan kalugra ngamedalang bawos gora utawi byota, yan tan asapunika keni pamidanda pacamil kadi dandaning nguman-uman ring paruman;

- Ca. Pamutus bawos beriuik sepanggul (lingkup) punika kepanggehang.
- (3) Prade daging paruman tan kacumponin, mangda Prajuru Desa utawi Banjar ngilikang bawos, saha putusannya mangda kararem antuk Krama Desa utawi Banjar malih prade tan prasida kasungkemin jantos ping tiga, prajuru Desa utawi Banjar dados nunas bawos ring Kerta Desa manut dudonan luwire : kamanggala paingkupan prajuru, ngeraris panglingsir, panguntat paruman malih.
 - (4) Parareman kemargiang yening sampun katedunin antuk krama / prajuru sane patut nedunin lintang ring atenga ngemiletin, saha kaduluran antuk ngarcana Ida Bhagawan penyarikan melarapan upacara.
 - (5) Krama sane ngemiletin parareman patut ngangge pengangge adat.
 - (6) Krama sane nenten ngerauhin parareman patut keni dosa/denda manut pararem.
 - (7) Yening mamurugring pawos ring ajeng keni denda 25 keteng jinah bolong.

Pawos 18

- (1) Sajeroning paruman Desa, Bendesa Adat patut nyiarang pamargin ngenterang desa, pamekas ngenenin indik ;
Ha. Munjuk lungsuring pakraman saha ayah-ayah, sulur arta berana, druwen desa;
Na. Pidabdab Prajuru ngenenin usaha desa kapungkur.
- (2) Pamutus paruman Desa sinanggeh pararem, maka pamitegep pamargin awig-awig.

Pawos 19

- (1) Sangkepan Prajuru Desa ngawedarang rarician usaha desa kapungkur.
- (2) Sangkepan Prajuru utawi dulun Desa tan dados ngemedalang tategenanring krama sadereng kaingkupin antuk Krama Desa.

- (3) Pamutus sangkepan Prajuru utawi dulun Desa ngewetuang paswara, maka daging pituduh sang ngawewenang utawi ngonekang pecak pararem Krama Desa.

Palet 5
Indik Druwen Desa

Pawos 20

- (1) Padruwen Desa Adat Waringin, sekadi ring sor :

Ha. Kahyangan Desa, luwire :

1. Kahyangan Tiga.
2. Kahyangan druwen desa.

Na. Bale Desa

Ca. Tanah tegalan 4,00 ha luwire ;

1. Tanah duwe Desa keanggen olih-olihan prajuru 2 ha, kepelaisang olih I Krama 2 ha.
2. Sane polih melaisin tanah punika nyabran warsa ngemedalang 100 kg beras/0,50 ha.
3. Beras punika kaambil nyabran Purnama Kapat :
Ha. Yening kasep ngantos 15 raina nenten ngemedalang beras patut keni panikel.
Na. Yening nenten ngamedalang beras, tanah punika jagi keambil
4. Beras punika jagi kaanggen upacara ring pura Kahyangan Tiga.
5. Suwen krama dados melaisin 5 warsa.

Ra. Tanah ayahan Desa 126,380 ha luire :

1. Tanah ayds patut keayahang sareng 25 Kuren krama pengarep :
Ha. Krama pengarep sane polih ngayahang tanah ayds polih emponan seurah-arih ngaci Pura : Dalem, Puseh, Bale Agung lan Nyungsungan.
Na. Krama pengarep patut ngamedalang abutan nyabran warsa.

Ca. Manut pah-pahan nyane akeh abutan sane kamedalang krama inggih punika:

1.	I Wenten	2 Rontong
2.	I Kardi	2 Rontong
3.	I Dukut	5 Rontong
4.	I Pepek	5 Rontong
5.	I Sumawa	1 Rontong
6.	I Rugeg	1 Rontong
7.	I Jaba	3 Rontong
8.	I Suenda	2 Rontong
9.	I Cindri	5 Rontong
10.	I Sukadana	3 Rontong
11.	I Kondri	2 Rontong
12.	I Lebet	4 Rontong
13.	I Dudun	5 Rontong
14.	I Deden	2 Rontong
15.	I Nuasa	5 Rontong
16.	I Sumatra	5 Rontong
17.	I Pindri	3 Rontong
18.	I Natra	3 Rontong
19.	I Suta	3 Rontong
20.	I Jingga	4,5 Rontong
21.	I Wandri	1 Rontong
22.	I Candra	2 Rontong
23.	I Sudira	2 Rontong
24.	I Tetep	1 Rontong
25.	I Naja	2 Rontong

Ra. Abutan punika kaambil nyabran Purnama Kapat.

Ka. Abutan punika kaanggen upacara ring Pura Kahyangan Tiga yan wenten sisa jagi kebagi tur sane pólíh angkepan inggih punika :

(1) Kelihan 1 Rontong

(2) Penyarikan 1 Rontong

(3) Petengen 1 Rontong

Ka. Setra-setra 0,50 ha

Da. Laba Pura, tegal melinggah.....ha

Ta. Lalanguan, minakadi tatabuhan lan ilen-ilen padruwen Desa/Banjar luwire :

1. Lekita-lekita, luwire pipil krama, awig-awig, paswara / pararem.

2. Pelawatan Ida Bhatara

Sa. Nyasa sasanthi

Wa. Lembaga Perkreditan Desa (LPD)

(2) Olih-olihan Desa Adat Waringin luwire ;

Ha. Olih-olihan saking duwe Desa

Na. Urunan Krama Desa Adat;

Ca. Paica saking guru Wisesa;

Ra. Dana punia tiosan, sane patut.

Pawos 21

- (1) Prajuru desa patut ngetangang pamupon laba Pura lan sapanunggalan druwe Desa.
- (2) Pikolih lan pamuponnya keanggen prabeaya piodalan saha wewangunan ring Pura miwah anggen kabuatan desa adat.
- (3) Ring sangkepan Desa, Prajuru pengamong druwe desa ngewentenang parindikan munjuk lungsuring padruwen desa ring krama desa.
- (4) Sakaluring druwe desa patut wenten ilikitannya.

- (5) Tan kalugra ngadol utawi ngesahang padruweyan Desa yan tan kasungkemin antuk Krama Desa.

Palet 6
Sukerta Pamitegep
Kaping 1
Karang lan Tegal

Pawos 22

- (1) Krama Desa pangemong karang desa (tanah sane tan keni tigasana) patut ngewatesin karang inucap antuk pagehan/turus utawi tembok mangda pekantenannya asri.
- (2) Wates sisi kaler miwah kangin patut kekaryanin antuk sang ngamong karang ayahan inucap, sane mawasta gegaleng keluan, sejawaning tanah pecatu, tegal, carik utawi tanah padruweyan ngeraga, sane kapiara watase sisi kelod miwah kauh, reh punika mewasta gegaleng keteben.
- (3) Prade kerasayang pagehan utawi turus inucap ngelikadin, yan pada arsa penyandinge, kengin watase ngangge pinget kewanten kesaksi antuk Prajuru Desa utawi prahcihna pal saking Agraria.
- (4) Prade wenten karang kabebeng mangda kautsahayang wenten marginyane.

Pawos 23

- (1) Sinalih tunggil Krama Desa/Banjar tan kalugra :
Ha. Ngalah-alah margi, tegal ayahan Desa, karang desa.
Na. Ngalah-alah tanah tegak Kahyang, Setra lan sekancan tegak sinanggeh suci

- (2) Prade wenten sekadi ring ajeng, sang ngalalah patut ngawaliang tanah inucap saha pamidanda sapatutnya kadulurin upakara ring pangelalah tanah suci.
- (3) Kawentenan margi agung ring wewidangan Desa adat Waringin patut kapiara olih I Krama Desa adat antuk pemargin gotong royong.
- (4) Krama Desa adat nenten kedadosang matetanduran ring got utawi ring pengawak margi.
- (5) Yening Krama sane metetanduran ring margi patut :
 - Ha. Mersihang utawi ngicalang tetanduran punika
 - Na. Keni dosa utawi denda manut pararem.

Kaping 2 P a p a y o n a n

Pawos 24

- (1) Ngawit nandur papayonan tanem tuwuh patut adepa agung ngajeroang saking wates, prade jantos ngeliwat wates wenang kasepat gantungin.
- (2) Yening wenten pepayon ngungkulin, semaliha mawastu mayanin kepisaga patut kewara antuk paiguman ping ajeng prasida sang nruwenang wit ngerebah utawi notor.
- (3) Prade sampun kewara taler tan wenten usaha sang nruwenang wit sang rumasa katetehan / kejerihan wenang mesadok ring Prajuru, tur risampun keparitatas kelugra ngicalang wit inucap.
- (4) Sang keni pamidanda panyangaskara saha prabeya manut pararem marep ring wewangunan sang karubuhan luire :
 - Ha. Sang ndruwenang wit sinanggeh mayanin, prade pungkak ngarubuhin wawangunan krama tios;
 - Na. Sang notor, munggul utawi ngarebah taru tur ngarubuhin wawangunan krama tios.

- (5) Krama desa patut ngamanggehang kawerdian tanem tuwuh sane ngawinang desane asri tur lestari.

Kaping 3 W a w a n g u n a n

Pawos 25

- (1) Nyabran ngawangun patut :
- Ha. Masadok ring prajuru, ping ajeng prade wawangunan ngeninin wates :
 - Na. Ngangge asta bhumi miwah gagulak kosala-kosali, sanistane manut patitis niskala;
 - Ca. Tan ngayubin ke pisaga
 - Ra. Tan dados ngebahang toya ke pisaga
- (2) Prade wawangunan jantos ngayubin bilih-bilih temboke ring telenging wates, risampun kewara tur kesadokang ring prajuru, wenang kedanda manut perarem, saha tembok inucap kegubar utawi sanistane mangda kakaryanang abangan.

Kaping 4 W a w a l u n g a n

Pawos 26

- (1) Sahananing warga desa sane mamiara wawalungan (bawi, risampun mabelas utawi banteng lepas sampun masaluk tali), patut sayaga nitenin negul/ngelogor mangda tan ngerusakin karang utawi pabian krama siwosan, bilih-bilih, jantos ngeranjing ngeletihin Kahyangan.
- (2) Prade wenten wawalungan melumbar utawi ngeleb ngerusakin karang/pabian krama siwos, risampun kewara kengin ketaban tur kedanda

manut pararem tur ngewaliang wit sane rusak saha nawur penebas papiaraan tetaban anut pengelokikan Prajuru Desa.

- (3) Prade jantos ngeletehin tegak suci minakadi Pemerajan (Sanggah Kemulan), risampun keparitatas antuk Prajuru wenang sang nruwenang kedanda mabuhu agung tebasan prayascita, durmanggala utawi Panca Sata iwak bebek belang kalung, prade jantos ngeletehin Kahyangan Tiga utawi Pura Pemaksan.
- (4) KramaDesa patut ngerayanin wawalungan miwah sarwa prani, nenten kapatutang maboros paksi miwah nuba ulam lah siosan punika.
- (5) Yening wenten I Krama ngerereh tetedaan wawalungan ring paabian anak siwos keni denda manut pararem.

Kaping 5

B h a y a

Pawos 27

- (1) Parindikan bhaya luire ; jiwa bhaya, artha bhaya (kepandangan), geni bhaya, toya bhaya, ripu bhaya, duracara ring agama.
- (2) Sang ngemanggihin kahanan panca bhaya, patut nepak kulkul bulus mapitulung manut pawos15 (2) aksara Na.
- (3) Prade ring desa kahanan jiwa bhaya, patut desane ngawentenang bhuta yadnya tur sang mayanin katur ring sang ngawe wenang.
- (4) Prade wenten jadma memisuh utawi nguman-uman jadma tios, kakenin pamidanda beya pacamil tebasan pemrayascita.

Pawos 28

- (1) Sang manggihin kahanan artha bhaya (kepandangan), patut ngulkul mapitulung anut ring pawos 15 (2) aksara Na, utawi sang kemalingan atur supeksa ring Prajuru utawi Dulun desa sane pacang nandanin saha

mawuwuh penyanggaskara prade wenten jadma ngemalingbarang sinanggeh suci.

- (2) Pratingkahe mapailon ring dusta kebawos ngukubin corah, utawi prade wenten jadma manggihin maling tang nyadokang ring Prajuru jantos jadma siwos nyaduang, patut kadanda kadi dandaning maling, sakuweh pangargan wit manut cacakan, tur prade jantos ping tiga melaksana asapunika wenang kasukserah ring sang ngawe wenang.
- (3) Prade wenten jadma ngerereh reramon, minakdi daun kelapa, ron, miwah sane siyosan tan pasadok ring sang nuwenang, prade kacunduk (ketara) patut kedanda kadi dandaning maling.
- ✕ (4) Yening wenten krama sane marebat ring sajeroning wewidangan Pura keni denda manut pararem turmaning ngelaksanayang upacara guru piduka.
- ✕ (5) Yening mamandung saluring sane wenten ring Pura keni denda manut pararem tur barang sane keambil mangda kewaliang tur ngelaksanayang upacara guru piduka.
- (6) Yening wenten jadma saking tios desa jagi ngelaksanayang seraja karya ring wewidangan Desa Adat Waringin mangda matur piuning ring prajuru desa adat Waringin, yening mamurug keni denda manut pararem, tur Krama Desa adat wenang nenten nguwehin.
- (7) Yening wenten krama sane makaryanenten patut ring wewidangan Desa adat Waringin minakadi :
 - Ha. Memandung
 - Na. Ngerucinin paabian
 - Ca. Ngerampok
 - Ra. Muwah sane siosan.

Kakenin denda manut pararem tur wicaranja katur ring sang ngawe wenang.

- (8) Yening wenten jadma ngeranjingin pakubon wiadi pakarangan anak siyosan rikala suwung, tur tan pewangsit mawastu sang madruwe karang

kaicalan, wenang jadma inucap dados kasinanggeh memaling saha patut madewa saksi ring Pura Desa utawi Bale Agung.

(9) Mangda tan kasinanggeh manut ring ajeng, asing-asing ngaranjingin kubon jadma tios patut :

Ha. Matenggeran suara (mekaukan)

Na. Nyantos sang nruwenang karang rawuh utawi masadok ring pengapit pinih tampek, maka buatan pengeranjinge.

Ca. Pamedal karangnya kadagingin sawen, maka cihna wenten pengarah rikala suwung.

Kaping 6

Panyanggran Banjar

Pawos 29

Krama Desa rikala ngawentenang karya suka-duka, patut kasanggra antuk banjar, manut pararem.

CATURTHAS SARGAH SUKERTA TATA AGAMA

Palet 1

Indik Dewa Yadnya

Pawos 30

(1) Palinggih Panyiwian Desa Adat Waringin luire :

Ha. Kahyangan Tiga : Pura Desa utawi Bale Agung, Puseh, Dalem.

Na. Pura Penyungsungan.

(2) Rahina piodalan soang-soang Kahyangan inucap, kadi ring sor punika :

Ha. Ring Kahyangan Tiga luire :

1. Pura Desa/Bale Agung, rikala Purnama Kapat

Awig-awig Desa Adat Waringin



2. Pura Puseh rikala, Purnama Kapat
3. Pura Dalem rikala, Buda Wage Klawu
- ✗ Na. Pura Penyungsungan, rikala Kajeng Umanis Sasih Kaulu
- (3) Pengaci ring pura inucap manut kecap sastra agama, saha kelaksanayang nista, madya, utama nganutin kawentenang lan pararem.
- (4) Pangemong utawi pangempon soang-soang pura manut dresta miwah pararem,
- ✗ (5) Upacara pamungkah kelaksanayang nyabran Umanis Beteng Desta.
- (6) Upacara mapag Toya kelaksanayang nyabran Sasih Kapat.
- (7) Pamargin upacara tur prabea upacara punika kamedalang olih krama minakadi :
 - Ha. Sarana Bakti.
 - Na. Sarana sane siosan minakadi; gesing, saang, don, ron, busung, muah sane siosan
- (8) Yening krama sane polih pengaci ngemedalang peson-peson bakti nenten ngemedalang, kakeninin denda manut pararem.
- (9) Yening ngemedalang nanging nenten tegep keni denda manut pararem.
- (10) Yening nenten ngemedalang peson-peson alat upakara minakadi, tiing, saang, busung, kelapa, muah sane siosan kakeninin denda manut pengargan peson-peson punika.
- (11) Yening mekarya penjor anggen ring Pura sampian ipun tan dados katugel, yening katugel keni denda manut pararem.
- (12) Yening wenten krama nenten rauh ngayah ring Pura ritatkala ngelaksanayang upacara keni dosa manut pararem.
- (13) Jinah dedosan punika jagi kakumpulang nyabran ngwarsa inggih punika ring Purnama Kapat.
- (14) Yening wenten sane mepelin naur dedosan punika ngantos lintang ring 3 raina, keni pengemped atenga saking pokok sane ke taur.
- (15) Ring raina Galungan patut mamenjor, yening nenten keni denda manut pararem.

- (1) Swadharma pemangku luire :
- Ha. Ngenterang upacara piodalan ring Kahyangan utawi ring soang-soang pakubon krama.
 - Na. Tan wenang salab-sulub, yan mamurug wenang pemangku inucap nyepuhin raga,
 - Ca. Prade salah sinunggil pemangku kapialang utawi cuntaka, kengin nyelang pemangku Kahyangan tiga siosan.
 - Ra. Samalih yan sampaan pemangku ngayah tigang raina ring Pura Kancit wenten kulawarganya utawi pisaga lan pengarep lina, pemangkuinucap tan keneng cuntaka, sakewanten pemangku tan budal selami piodalan.
- (2) Petias utawi olih-olihan pemangku luire :
- Ha. Penyolongan miwah sarin canang;
 - Na. Upon pelaba carik miwah tegal manut pararem
 - Ca. Luput pakaryan lan luput papeson
- (3) Sapasira ugi krama sane polih dados prajuru ring Pura Kahyangan Tiga disampune wusan patut ngemargiang upacara naur sampelan, indik daging sampelan punika merupa atos minakadi :
- Ha. Bakti.
 - Na. Beras.
 - Ca. Bawi.
 - Ra. Kelapa.
 - Ka Basa-basa sejangkepnyane.
- (4) Atos punika jagi keolah olih I krama Desa tur jagi keanggen malang muah keanggen gelar sanga/bangun ayu.
- (5) Ulam Bawi punika mepah tiga, kalih bagi katur ke Pura, abagi kewaliang ke sang mapinaur.
- (6) Surudan bakti punika ke pah tiga, kalih bagi katur ke Pura, abagi kewaliang ke sang mapinaur.

- (7) Mungguing daging atos punika :
- Ha. Beras 12 rontong.
 - Na. Kelapa 25 bungkul.
 - Ca. Bawi asiki maberat 50 kg.
 - Ra. Basa-basa sejangkep nyane.

Pawos 33

- (1) Pamangku kegentesin riantukan :
- Ha. Lina,
 - Na. Pinunas ngeraga, menawi kegeringan lan sapanunggalannya
 - Ca. Kawusan antuk krama menawi melaksana sane tan patut (asta dusta)
- (2) Prade pemangku kawusang sangkaning melaksana asta dusta, keni pamidanda manut pararem.

Pawos 34

Kasukertan Kahyangan ring Desa :

- (1) Sane nenten kalugrangeranjing ke Pura luire :
- Ha. Sang ketiba cuntaka, makadi sebel ngeraga :
 1. Sebel kandel, ngeraga sewala, selami dereng mabersih.
 2. Sebel madruwe putra, sajeroning 42 rahina, kruron,
 3. Sebel pengantenan, sadereng mabiakala.
 4. Cuntaka sangkaning kapademan manut sengker.
 - Na. Sang panten miwah anak bebinjat sadereng maupakara
 - Ca. Makta sahananing sane kasinanggeh ngaletihin
 - Ra. Wawalungan suku pat, sejawaning ritatkala mapapada
 - Ka. Mabusana sane tan manut kadi tata caraning ngeranjing ke Pura
 - Da. Anak alit sane dereng mayusa tigang sasih.
 - Ta. Sadereng polih wak-wakan (pituduh) prajuru Desa Adat.
- (2) Busana ngeranjing ka Pura wenang nganutin drestaminakadi :

- Ha. Rotatkala ngaturang ayah, mawastra lan nyelempot.
Na. Ritatkala ngaturang sembah, mabusana jangkep.
Ca. Siosan kadi ring ajeng nenten kelugra, sajawaning sampun pituduh prajuru.
- (3) Parilaksana tan kawenangan ring pura, luire :
Ha. Mabawos sane kasinanggeh wak parusya, wak capala.
Na. Makoratan/mabacin, mawarih, masanggama.
Ca. Masumpah utawi macaron, sejawaning pituduh prajuru adat.
Ra. Ngias raga sejawaning pandita miwah pinandita.
Ka. Mungguh tedun palinggih sejawaning pituduh prajuru desa adat
- (4) Sang mamurug kadi kecaping ring ajeng, keni pamidanda pamerayascita sepatutnyane.

Pawos 35

- (1) Yan wenten jadma karauhan ring pura, kengin patut katatasang prade rumasa kasumangsayan, yan tan wiakti jadma inucap kasisipan manut pararem.
- (2) Prade Kahyangan kahanan dur manggala, minakadi kapanca bhaya, pamangku patut di gelis nyadokang ring prajuru mangda marumang krama desa tur ngawentenang upacara sepatutnyane.

Palet 2

Indik Rsi Yadnya

Pawos 36

- (1) Sang pacangmadeg pandita utawi madwijati paqtut masadokring prajuru Desa kalih Parisdha Hindu Dharma Indonesia
- (2) Prajuru desa patut nitenin tur wenang ngalangin ,prade wenten kacihna lempas ring kakecap miwah dresta.
- (3) Sang dwijati polih laluputan ayahan lan papeson.

Pawos 37

- (1) Sang sulinggih patut ngeriyinang ngayunin ring wawidangan desa adat Waringin. Sesampune wawu muputang yadnya ke jebar jagat utawi ke Dura Desa.
- (2) Krama Desa sami patut sareng nitenin ketuntun antuk prajuru, mangda sahananing yadnya sane kawentenang kaicen pamuput olih pandita .

Palet 3

Indik pitra Yadnya

Pawos 38

Dudonan pamargin pitra yadnya

- (1) Pangupakaran sang lina :
 - Ha. Antuk mendem utawi ngeseng, makacihna pakingsan ring Ibu Pertiwi utawi ring Bhatara Brahma , selami nuptupang prabeya.
 - Na. Maupacara pangabenan utawi palebon.
- (2) Upacara –upacara Pitra Yadnya riwusan keabenang mewastu raris mamukur tur kalanturang ngalinggihang dewa pitara.

Pawos 39

Swadharmaning lan tetegenan krama prade wenten sinalih tunggil warga lina :

- (1) Sang kaduhkitan patut :
 - Ha. Nyadokang ring kelian tur nunas tetimbangan ring kawentenannya.
 - Na. Ngaturin Banjar mangda makarya eteh-ete sawa kedulurin panyembrama antuk canang sakasidan
- (2) Swadharmaning Banjar/Desa :
 - Ha. Klian Banjar maritatas pamargin sang kaduhkitan, napike pacang kapendem, makingsan riyin utawi lantur keabenang;

Awig-awig Desa Adat Waringin



Na. Prade kapendem, raris kawentenang kulkul patahu manut pawos¹⁵

(3) aksara na, antuk Klian banjar utawi wakilnya

Ca. Penyagran Banjar selanturnya:

1. Soang – soang krama Banjar nedunang patus manut pararem;
2. Ngaryanin eteh – eteh sawa;
3. Sami krama Banjar ngater ke setra jantos pamendem puput;
4. Tan kengin ngelelet langkungan ring 7 (pitung) rahina, tur patut polih gebagan anut paetengan klian banjar.
5. Tan kalugra nginepang bangbang.
6. Tan kalugra nyekeh layon langkungan ring awarsa.

× (3) Prade wenten lina, rikala piodalan ring pura, kengin mendem tan pasádok tur mamargi wengi.

(4) Pamargin pamendeman utawi palobonan mangde nganutin sastra agama lan dresta.

(5) Yaning wenten jatma saking tios desa mendem sawa ring setra Desa Adat Waringin, patut keni penahjung batu manut pararem.

Pawos 40

(1) Sane kasinanggeh kacuntakan sakadi ring sor:

Ha. Cuntaka antuk lina;

Na. Cuntaka antuk ngraja swala;

Ca. Cuntaka antuk ngembasang putra;

Ra. Cuntaka antuk karuron;

Ka. Cuntaka antuk pawiwahan;

Da. Cuntaka antuk gamia gamana;

Ta. Cuntaka antuk salah timpal;

Sa. Cuntaka antuk yening wenten anak istri mobot nenten kaupakarain pabiukawonan tur pawidiwidanan;

Wa. Cuntaka antuk mamitra ngalang;

(2) Sengker cuntaka manut kawentenanya:

Ha. Cuntaka kalayu sekara, cuntakanya kantos masesapuh manut dresta;

Na. Cuntaka ngarajaswala, 3 rahina ngawit saking ngeraja swala utawi selameningngaraja swala;

Ca. Cuntaka ngembasang putra, 42 rahina (abulan pitung dina) ngawit saking putrane embas, utawi ngantos sampun kaupakara makekambuhan tur maprayascita manut sakadi agama, lanang wiadin istri.

Ra. Cuntaka karuron abulan pitung dina (42 rahina) tur sampun maprayascita.

Ka. Cuntaka pawiwahan, cuntakanya ngantos sasampune maupakara makala-kalan;

Da. Cuntaka gamia gamana, cuntakanya ngantos sasampune kapalasang /mesepihan tur sampun kewentenang pemrayascita raga tur sampun kewentenang pemrayascita desa adat /kahyangan;

Ta. Cuntaka salah timpal, kapuputang sekadi ring Agama Hindu tur dresta/adat.

Sa. Cuntaka anak istri mobot sangkaning lokika sanggraha nenten kawentenang upakara pabiekaonan, cuntakanya ngantos kawentenang upakara pabiekaonan;

Wa. Cuntaka memitra ngalang, cuntakania ngantos kawentenang upakara pabiekaonan pamrayascita;

La. Ngembas putra nenten kawentenang upakara pawidiwidana, cuntakanya ngantos wenten sane mameras sang putra, tur sampun kawentenang upakara sekadi ring pewarah-warah agama Hindu.

(3) Cuntaka kelayu sekaran utawi kapademan ;

Ha. Kapedem cuntakania :

1. Cuntaka / sebel ke banjar rauhing 3 rahina riwusan mendem utawi sesampun polih prayascita (mesapuh).

2. Yening padem salah pati / ulah pati nsebel 11 rahina.

3. Keluarganya sajeroning pakarangan ngantos manut dresta.

Na. Kaaben cuntakanya :

Sang nyambut karya pitra yadnya cuntakania ngawit saking ngerancang karya rauh riwus yadnyanya (mapapegat)

Ca. Yening sampun tutug wates raina cuntaka punika kemargiang upacara pemrayascita ring Pura Kahyangan Tiga antuk bakti sesapuh alit.

Ra. Yening ritatkala wenten upacara ring Pura Kahyangan Tiga wenten anak seda, kemargiang sebel karang lan penyanding tur Pura tetep kalaksanayang.

✕ Ka. Yening wenten anak nyolong semara / arabing wong arabi keni denda manut pararem tur ngelaksanayang upacara pemrayascita ring Pura Kahyangan Tiga.

✕ Da. Yening wenten anak istri mobot ngantos embas nenten wenten anak lanang sane ngakuin mangda ngelaksanayang pemrayascita ring Pura Kahyangan Tiga.

Pawos 42

- (1) Pangabenan kelaksanayang antuk seka – seka (dadia) tur pakaryannyane karemba antuk krama Banjar

Palet 4

Indik Manusa Yadnya

Pawos 43

- (1) Manusa yadnya inggih punika upacara – upacara dharmaning kauripan manusa , ngawit saking patemoning kama bang lan kama petak sajeroning garba ngantos , kelayu sekaran riwekas.
- (2) Upacara kadi ring ajeng medudonan sekadi ring sor :
Ha. Magedong – gedongan duk pengerempinian ibiang ;

Awig-awig Desa Adat Waringin

- Na. Duk sang rare medal ;
 - Ca. Kepus udel ;
 - Ra. Roras rahina ;
 - Ka. utug kambuhan (42 rahina)
 - Da. Tigang Sasihin (3 bulan)
 - Ta. Pawetuan / oton (6 bulan)
 - Sa. Tutug kelih (ngeraja sewala sane wadon, ngembakin sane lanang)
 - Wa. Metatah / mapandes
 - La. Mawiwaha
 - Ma. Mawinten
- (3) Upacara-upacara inucap kemargiang nista, madia utama manut sastra agama miwah dresta.

Palet 5
Indik Bhuta Yadnya

Pawos 44

- (1) Bhuta yadnya inggih punika upacara-upacara merupa;byakala; caru, labaan aci lan pakelem miwah sane siosan.
- (2) Upacara pabyakala ring pertiwi, Kahyangan lan bebhutan kewastanin mecaru.
- (3) Pacaruan inucap ring ajeng nista, madia utama, manut wiguna kadi ring sor :
 - Ha. Ekasata
 - Na. Pancasata
 - Ca. Pancasanak
 - Ra. Resi gana
 - Ka. Panca kelud
 - Da. Tawur
 - Ta.

- (4) Sajawaning kadi ring ajeng kawentenang upacara :
Ha. Mebanten utawi jotan saiban wusan maratengan.
Na. Mesapuh-sapuh rikala pacang wali ring pura.
- (5) Macaru gede kelaksanayang nyabran Kajeng Keliwon wudan Sasih Kepitu.

Pawos 45

- (1) Nangken ngwarsa rikalaning Tilem Kesanga kawentenang caru kesanga, kelanturang Ngerupuk, makacihna pacang mapag rahina Penyepian benjangne.
- (2) Bratha penyepian sane kemargiang antuk Krama Desa :
Ha. Amati geni : tan kengin meapi-api.
Na. Amati karya : tan kengin nyambut karya
Ca. Amati lelanguan : tan kengin maoneng-oneng, masuara gora, lan sapanunggalannya.
Ra. Amati lelungan : tan kengin malelunganan merike-meriki
- (3) Peberathan inucap kemargiang saking jam 06.00 semeng ngantos jam 06.00 semeng benjangne.
- (4) Sang mamurug kecaping ajeng keni pamidanda manut pararem kemargiang antuk petilik (Pecalang Desa)
- (5) Riwus rahina Nyepi (benjangne) maka cihna pengawit Icaka Warsa patut soang-soang warga desa sami saling ngaksama (Dharma Santhi).
- (6) Sane kalugra nenten ngelaksanayang Bratha Penyepian minakadi :
Ha. Ngatehang anak sungkan ke Dokter.
Na. Maduwe anak alit
Ca. Yening sampun kalugra olih I Prajuru manut pangloktika.

PANCAMAS SARGAH
SUKERTA TATA PAWONGAN

Palet 1

Indik Pawiwahan

Pawos 46

- (1) Pawiwahan inggih punika patemoning purusa pradana, melarapan penunggalang kayun suka cita kaduluring upasaksi sekala niskala.
- (2) Pemargin pewiwahan luire :
 - Ha. Papadikan , kemanggalaning antuk pekrunan.
 - Na. Ngerorod, merangkat riyin wawu kekrunayang.
 - Ca. Nyeburi utawi nyentana nyeburin risampun kemanggala antuk upacara pemerasan.
- (3) Pidabdab sang pacang mawiwaha patut :
 - Ha. Sampun manggeh daha-teruna
 - Na. Sangkaning pada lila (tan kepaksa)
 - Ca. Kemargiang sudi wadani prade pengambilan tios agama.
- (4) Pamargin pawiwahan mangda nganutin Undang-undang Perkawinan saking Sang Ngawenangang.
- (5) Yening wenten I Krama Desa ngemargiang upacara pawiwahan patut matur piuning tur ngelungsur upasaksi ring I Prajuru adat.
- (6) Yening wenten ngelaksanayang pawiwahan, sadurung ngabut penjor ring pura Kahyangan Tiga keni danda manut pararem.
- (7) Penjor Punika kecabut 11 raina seusan piodalan.

Pawos 47

- (1) Pawiwahan sane kepatutang ring Desa sekadi ring sor :
- Ha. Sampun kemargiang pekalan-kalan utawi pesakapan kesaksinin antuk tri upasaksi inggih punika ; manusa saksi, bhuta saksi, lan Dewa saksi.
- Na. Prajuru patut mapakelingang utawi ngelikitayanag pawiwahan.
- (2) Pawiwahan sane tan manut kadi ring ajeng sinanggeh tan pastika.

Pawos 48

Tata caraning perabian :

- (1) Sapa sira ugi pacang ngewarangan pakaluwangan patut masadok ring prajuru, selanturnya prajuru maritatasang, manut tan manut indik perabiane.
- (2) Pemargian pepadikan anut dudonan ;
- Ha. Pakrunan jantos ping tiga, saha soang-soang melarapan :
1. Kapertama antuk sedah woh
 2. Kaping kalih antuk sedah woh sajeng
 3. Kaping tiga antuk tipat bantal, kebawos pemuput pepadikan
- Na. Risampung mepragat raris sang istri keajak budal ring pakubon sang lanang, saha kelanturang antuk pabyakala.
- Ca. Mangda prgat tumus sekala niskala, raris kulawarga purusa makta pejati ring merajan wadone
- (3) Prade ngerorod utawi merangkat patut:
- Ha. Reraman lanange ngewentenang pengelukuan/pejati antuk duta saksi paling kedik 2 (kalih) diri
- Na. Genah antene tan kengin ring pakubon sang lanang sedereng mabyakala.

- (4) Sajeroning pakrunan/pengelukuan patut;
- Ha. Kemanggala saking ramarena purusa antuk geng pengampura majeng ring ramarena wadone.
- Na. Kaigumang bawos indik-indik pakidih utawi pelegayan arep ring pasewakan sang ngidih saha dewasa pakerabkambeyane wekas
- Ca. Kacihnayang indik kapurusa utawi prade sentana rajeg kajejerang kapatutang ngidih anak anak lanang sane kebawos pawiwaha nyeburin, tur risampun sulur pemerasan ketegepin kemanggehang sentana nyeburin.
- (5) Pekarabkambean mapiteges upacara galang apadang (patut mapikuren dwaning sampun manut sekadi dudonannyane manut sastra agama lan dresta.

Palet 2
Indik Nyapian

Pawos 49

- (1) Pawiwahan prasida kawusang malarapan antuk palas parabian utawi kepademan.
- (2) Wusan mapikuren riantukan salah sinuggil lina mapiteges balu, mekadi balu lanang utawi istri.
- (3) Palas perabian ingih punika sangkaning mawiwit wicara.
- (4) Sang ayat palas merabian patut atur supeksa pailikitan riyin ring sang rumawos (Pengadilan Negeri) wastu tinas apadang pemutuse kebawos nyapian, wawu prajuru/dulu nyiarang kawentenannya ring desa saha keni pamelin kulkul manut pararem utawi manut dresta.

Pawos 50

- (1) Tata cara palas merabian sekadi ring sor ;
- Ha. Nawur prabeya pesaksi sinalih tunggil sami matenga.

- Na. Pagunakayan polih pahan pada
- Ca. Pebekel, tadtadan soang-soang kekuasang niri-niri, sakewanten indik warisan kekuasang antuk purusa.
- Ra. Ngawuruhin miwah ngupajiwana pratisentana manut swdharmaning guru rupaka
- Ka. Nawur pamidanda penumbas kulkul manut pararem utawi manut dresta.
- Da. Ngelung jinah bolong manut logika prajuru / dulun utawi manut dresta.
- Ta. Mepamit saking merajan sang lanang.
- (2) Prade riwekas sang palas kecihna adung malih, patut ;
 - Ha. Ngemargiang pawiwahan malih
 - Na. Kedanda nikel saking palase.

Pawos 51

- (1) Sang balu kabinayang dados :
 - Ha. Balu luh wit sentana (sentana rajeg) miwah balu luh boya sentana;
 - Na. Balu muani kepurusa (wit sentana) miwah balu muani nyeburin (boya sentana).
- (2) Swadharmaning balu inucap, patut ;
 - Ha. Ngemanggehang patiberata tan patut ngamargiang paradara/drati krama
 - Na. Nguwasayang waris gunakaya, tan dados ngadol, ngadeang, makidihang lan siosan punika, sejawaning kabebasan saking pianak utawi kulawarga pinih tampek saking rabine prade okane kantong alit-alit
 - Ca. Kengin ngidih sentana prade wenten kecumpuin antuk kulawarga sinanggeh kepurusa
 - Ra. Kewenangang mawiwaha malih, prade wenten kebebasan saking warga kapurusa.

- (3) Balu inucap tan pageh sekadi ring sor :
- Ha. Drati krama utawi paradara
 - Na. Matilar saking pakubon tan pasadok jantos 6 (enem) sasih.
 - Ca. Lempas ring swdharma sewos-sewosan tan prasida ngesehin solah maprewerti marep ring pituduh kulawarga purusa.

Palet 3
Indik Sentana

Pawos 52

- (1) Sentana wenten kalih pawos, sane keucap pratisentana miwah sentana peperasan.
- (2) Pratisentana inggih punika sentana sane metu saking pawiwahan kepatut.
- (3) Prade pawiwahan tan ngewetuang sentana kengin ngidih sentana antuk upasaksi sekala-niskala sane kewastanin sentana peperasan.
- (4) Prade pawiwahan tan kepatut ngewetuang sentana, mangda tan kantong kewastanin bebinjat utawi astra, patut kemanggala antuk penyanggaskara.
- (5) Sentana rajeg inggih punika, pratisentana wadon (pradana) sane kemanggehang lanang (purusa) tur risampun ngelaksanayang pawiwahan, nyeburin.
- (6) Sang sane kearsayang sentana rajeg inucap wiwit (5) ingih punika ;
 - Ha. Pratisentana wadon tunggal utawi salah sinunggil pratisentana wadon yaning makasami pratisentana wadon
 - Na. Sampun kemanggehang dados pratisentana (purusa)
 - Ca. Kapawiwahan keceburin, keutamayang antuk jadma sane meagama Hindu utawi jadma sane meagama siosan sane sampun ngelaksanayanag pamarisuda raga utawi sudi wadani.
 - Ra. Sane ngemanggehang sentana rajeg patut mapesadok ring Prajuru Banjar tur Kelian Banjar patut nyiarang ring banjar saha ngaturang ring Prajuru desa adat.

Pawos 53

- (1) Ngamanggehang sentana manut dudonan patut makacihna arta berana pemerasan sane kesajsiang sekala niskala.
- (2) Sapa sira ugi krama pacang ngidih sentana, patut masadok ring Bandesa senistane asasih sedereng pemerasan.
- (3) Bandesa kewakilin antuk kelian-kelian banjar nyiarang ring sewidangan desa, sang sapa sira ugi rumasa tan lila mangda nguningang masengker kalih wuku sedereng pemerasan, ring Bandesa Adat.
- (4) Prajuru utawi dulu desa digelis mawosin saha ngicenin pemutus nepek ring catur dresta miwah pararem.
- (5) Prade sulur peperasan tan manut ring kecaping ajeng, Prajuru utawi Dulu desa wenang, ngandeg sang pacang makarya, saha ngicenin pamutus, mangda kapuputang riyin bebawosan sulur utawi wicaranja.

Pawos 54

- (1) Peperasan sane kepatut ring desa risampun makaciha :
 - Ha. Widhi widana pemerasan
 - Na. Kesaksinin antuk Prajuru desa sane makelingang utawi ngalekitayang.
 - Ca. Kasiarang ring wewidangan desane
- (2) Sane kepatut peras angge sentana kadi ring sor ;
 - Ha. Jadma meagama Hindu.
 - Na. Kaluwarga saking purusa, prade tan wenten kengin saking wadon yaning taler tan wenten wawu kengin sekama-kama (sekita kayun)
 - Ca. Keutamayang saking waris pancer kapurusa.
 - Ra. Sinalih tunggil mawiwit saking kulawarga tunggal sanggah utawi merajan, paibon lan dadia, utawi ngambil anak tios sakewanten sang meagama Hindu.
- (3) Kengin ngangkat sentana langkung ring adiri, lanang wiadin wadon.

Palet 4
Indik Warisan

ditra

Pawos 55

- (1) Warisan inggih punika artha berana saha ayah-ayahan ngupadisukerta sekala niskala saking kaluhurannya marep ring turunannya.
- (2) I kang sinanggeh warisan luire :
 - Ha. Duwe tengah, mekadi tegal ayahan desa sanggah/merajan, pusaka lan sane siosan
 - Na. Pagunakayan, tadtadan/jiwa dana, hutang piutang
- (3) Wawu kengin kebawos warisan prade wenten :
 - Ha. Sang ngewarisang
 - Na. Keturunan (Ahli waris)
 - Ca. Artha berana, tetegenan (ayah-ayah) makacihna warisan

Pawos 56

- (1) Ahli waris, luire ;
 - Ha. Pratisentana purusa
 - Na. Pratisentana (sentana rajeg)
 - Ca. Sentana peperasan lanang/wadon
- (2) Prade tan wenten sekadi ring ajeng, kang sinanggeh ahli waris :
 - Ha. Turunan purusa pernah ngunggahang mekadi rerama lanang, pekak selanturnya, rerama misan, mindon.
 - Na. Turunan purusa pernah kesamping mekadi keponakan, keponakan dimisan miwah keponakan dimindon
- (3) Swadharmaning ahli waris patut ;
 - Ha. Nerima saha nguwasayang tetamian pahan keluhurannya, mekadi ngerempon sanggah/merajan, pura, saha pengupakaryannya miwah ayah-ayahan pewaris.

- Na. Ngabenang pewaris saha ngelanturang upacara-upacara pitra yadnya
Ca. Naurin hutang-hutang pewaris manut pangeloktika

Pawos 57

Mungguwing waris kewaris ring Desa Adat Waringin

- (1) Risampun kelaksanayang pitra yadnya lan hutang-hutang pewaris buritas ketawur, wawu warisan dados kepah.
- (2) Para ahli waris sami polih pahan sangkaning pagunakarya, sajawaning karang/tegal ayahan desa keemong antuk ahli waris kang sinanggeh krama ngarep.
- (3) Sinalih tunggil ahli waris kengin tan polih pahan prade :
Ha. Nilar kawitan lan sasananing agama Hindu
Na. Alpaka guru rupaka
Ca. Sentana rajeg kesah mawiwaha utawi pratisentana nyeburin soang-soang kabawos ninggal kedaton.
- (4) Boya ahli waris, kengin muponin hasil manut dudonan, luire ;
Ha. Sentana luh, selami durung kesah mawiwaha
Na. Batu luh wiadin muani nyeburin (soang-soang boya sentana)
- (5) Pewaris kengin maweweh rikala maurip pinaka jiwa dans, tadtadan/bekel, makacihna paweweh tetep ring oka sane kesah mawiwaha.

Pawos 58

- (1) Prade sajeroning pakulawargan wenten ahli waris langkungan ring adiri patut :
Ha. Kawentenang paigum indik pahan waris inucap
Na. Yan tan prasida katunasang tatimbang ring prajuru/Dulu-dulu

- Ca. Prade taler tan wenten cumpu ring panepas Prajuru, patut kadauhang ring Kertha Desa, prade taler tan kacumpuin, kengin katunasang ring Sang Rumawos (Pengadilan Negeri)
- (2) Prade karang inucap kaputungan, patut Prajuru/Para dulu nibakang ring ;
 Ha. Sang sinanggeh ahli waris manut pawos 56,
 Na. Sang kengin anggen sentana anut pawos 54
 Ca. Prade taler tan wenten cumpu ring panepas Kertha Desa, kengin katunasang ring Sang Rumawos (Pengadilan Negeri)
- (3) Prade jantos karang desa kepah utawi kasepih, patut soang-soang nedunin makrama desa ngarep.

SASTHAS SARGAH WICARA LAN PAMIDANDA

Palet 1
Indik Wicara

Pawos 59

- (1) Sane wenang mawosin makadi mutusang wicara ring desa inggih punika Prajuru Desa sinanggeh Kertha Desa :
- Ha. Kelihan Banjar, pradene sang mawicara sane patunggilan banjar.
 Na. Bandesa Adat, sang mawicara sami-sami ring patunggalan Desa Adat
- (2) Tata dudonan Mawosin saha muputang wicara warga desa kadi ring sor ;
- Ha. Kaping ajeng kebawosin antuk Kelihan Banjar.
 Na. Tan cumpu ring panepas kelian banjar katunasang ring panglingsir banjar
 Ca. Panglingsir Banjar / Kertha Banjar tan kacumponin katedunang ring paruman banjar.
 Ra. Paruman banjar tan kanutin kengin nunasang ring Bandesa Adat.

- Ka. Bandesa Adat tan prasida muputang katincepang ring panglinsir sinanggeh Kertha Desa
- Da. Prade taler pamuput panglisir desa tan kacumponin katunasang ring paruman desa, sinanggeh wasananing pemutus ring desa.

Pawos 60

- (1) Sahananing wicara mawiwit kecorahan sakaluire sinanggeh nungkasin daging Awig-awig, pasuaran miwah pararem Desa utawi banjar, prajuru utawi dulu Desapatut digelis mawosin tan nyantos pesadok.
- (2) Sejaba wicara kadi ajeng patut nyantosang pinunas sang nunas bawos
- (3) Panepase patut pastika nyantenang iwang patut malarapan Tri Premana (saksi, lekita, bukti) miwah tan maren nepek ring Catur Dresta.

Palet 2

Indik Pamidanda

Pawos 61

- (1) Desa utawi banjar wenang nibakang pamidanda ring warga desa utawi banjar sane sisip.
- (2) Paniwak inucap kemargiang olih Bandesa utawi Kelian banjar.
- (3) Bacakan pamidanda luire ;
 - Ha. Ayahan panukun kasisipan
 - Na. Danda artha (dosa, danda saha panikel-nikelnya miwah panikel-nikelnya urunan)
 - Ca. Rarampagan
 - Ra. Kesepekang
 - Ka. Kawusang makrama kewaliang pipilnyane
 - Da. Penyanggaskara

- (4) Pamidanda sane katiwakang patut masor singih manut ring kasisipane utamannya ngemanggehang kesudamalan Desa.
- (5) Jinah utawi raja berana pamidanda, ngeranjing dados druwe Desa utawi Banjar.
- (6) Jinah bolong sane keanggen naur pamidanda mangda ngangge jinah bolong asli.

Pawos 62

- (1) Krama sane langkung ring tigang paruman ngelantur tan naur urunan miwah dedandan wenang kerampag.
- (2) Rerampagan ngangge tata cara kadi ring sor ;
 - Ha. Kalaksanayang antuk prajuru kasarengin antuk Krama Desane seakehe tigang diri maka saksi.
 - Na. Sang ngerampag saking darsana ngambil barang utawi nyawenin tanem tumbuh, akehnya manut ring hutang sang kerampag
 - Ca. Prajuru miteketang mangda barang-barang sane kerampag digelis katebus, masengker awuku ring rahina pacang kaadol.
 - Ra. Tan ngeninin saluir barang sane patut inggilang manut agama miwah mademang pangupa jiwa sang kerampag.

Pawos 63

- (1) Prade sane pacang kerampag ngewara (ngalangin) pamargi inucap mawastu sampun tan nganutin awig-awig desa, wenang kasepekang.
- (2) Semalih yan purun taler ngalangin paridabdab kadi ring ajeng makudang-kudang pasangkepan kaicen patinget tan wenten pamargi sajawaning kawaliang pipil nyane (kawusang makrama)
- (3) Pamidanda inucap ring ajeng mawasta pupul risampu sang kekeninin :
 - Ha. Nunas geng pangampura ring krama desa utawi banjar riantuka piwal pasubaya (pararem) pecak.

Na Nawan pangajaran panguwak pasubaya duk pacang karampag kadulurin parayascita.

SAPTAMAS SARGAH NGUWAH – NGUWIHIN AWIG – AWIG

Pawos 64

- (1) Nguwah-nguwihin awig-awig Desa puniki kemargiang antuk paruman Desa.
- (2) Paruman inucap mangda kadasarin antuk pakarsan krama desa adat yadiastun kamedalang antuk prajuru sinunggal wiadin sinarengan.

Pawos 65

- (1) Sakaluwiring sane wenten saderengnya patuut kaanutang ring sadaging awig-awig puniki.
- (2) Sakaluring sane durung kebawos sajeroning awig-awig puniki patut kemargiang manut tata cara sane sampu ketah mamargi kadulurin antuk pararem-pararem.

ASTAMAS SARGAH SAMAPTA

Pawos 66

- (1) Awig-awig puniki kawastanin awig-awig Desa Adat Waringin.
- (2) Awig-awig puniki kamargiang ngawit kaingkupin utawi kararemin.



Pawos 67

- (1) Awig-awig puniki kasungkemin ring paruman duk raina Buda pinanggal pang 12 Sasih Karo Icaka warsa 1923 tanggal 1 agustus 2001 masehi ring Waringin.
- (2) Awig-awig kalinggatanganin antuk Bandesa, kesarengian klian-klian Banjar / Tempek saha kesaksinin antuk Kepala Dusun / Lingkungan miwah Kepala Desa / Lurah sewewidangan Desa. Saha kakukuhang antuk Bupati Karangasem.
- (3) Luwir sang ngalingga tanganin :
Ha. Kapertama Prajuru utawi Dulun Desa :



- 2). Klian Banjar/Tempek Dajan Puseh
- 3). Klian Banjar/Tempek Delod Puseh

(I Ketut Murka)

(I Wayan Sariana)

- 4). Klian Banjar/Tempek Tengeh


(I Ketut Satria)

- 5). Klian Banjar/Tempek Poh Tegeh

(I Wayan Sari)

Na. Kaping kalih Prajuru / Desa Dinas maka saksi :

1). Kepala Dusun Waringin



2). Kepala Desa Pempatan



Ca. Bupati Karangasem maka murda pamikukuh :

(Drs I Gede Sumantara AP)

Mengetahui dan telah dicatatkan :

Tanggal :

Reg. Nomer :

Bupati Karangasem,

(Drs I Gede Sumantara AP)